

MFA Noord, un era nobo den servicio publico den bario

ORANJESTAD – Pronto e prome Facilidad Multifuncional ta bay habri su portanan den bario di Noord y cun'e ta cera e periodo di negligencia cu nos comunidad a biba pa decadanan largo cun'e.

Atras ta keda e tempo scur di edificio, servicio y personal cu no tabatin espacio pa mehora. MFA ta bay cambia pa semper e manera con e ciudadano Arubiano ta atende su asuntonan di Censo, Belasting, utilidad y mas; tur cerca di cas. Ademá di esaki, ta habri caminda pa ofrece hopi mas di loke a duna te aworaki. Ta papia di sala di reunion, plataforma pa presentacionnan cultura, biblioteca y hopi mas.

A tuma tempo pasobra tabata un prioridad pa Minister di Asuntonan General, Mike Eman pa tur cos bay di e miho manera posibel. P'esey a dedica tempo na investigacion, consulta cu pueblo, diseño y entrenamiento di per-

sonal. Mientras cu MFA na Paradera, Santa Cruz, Savaneta y San Nicolas ta canando nan proceso na diferente etapa di avance, Gobierno por bisa cu orguyo cu MFA Noord ta cla pa cuminsa brinda su servicionan na e distrito.

Den e concepto nobo, e facilidad multifuncional den bario ta ofrece no solamente un luga pa paga cuentanan di awa, coriente y busca documentonan oficial, pero ta brinda tambe un luga agradable pa encuentronan entre habitantenan di e bario. Organización y gruponan local tin un luga caminda por reuni y desaroya nan trabou na beneficio di comunidad. Hombennan tin un luga caminda nan por sinta traha riba nan proyectonan di scol of tambe atende algun les di pintura, musica of baile. E edificio ta diseñá pa acomoda tur hende y cada un tin e espacio y ambiente ideal.

Personal di Oficina di ayudo y gestion a pasa den un proceso di recapacitación camin-



da a amplia nan conocimiento y asina mehora e nivel di servicio.

E funcionario publico awo ta bay conta cu un espacio mas adecua, cu e ekipo y asistencia tecnico necesario pa brinda e bon servicio cu e ciudadano

merece y ta entrena pa atende situacionnan di e miho manera posibel. Trahadonan ta ansioso pa cuminsa traha bou dak di MFA.

Pronto e fecha di apertura oficial ta bay keda anuncia. Actualmente ta realizando e

ultimo detayenan cu ta garantiza bon funcionamiento di e edificio paden y pafo. E diferente institucionnan, banda di MFA ta preparando pa ocupa nan espacio y tin tur loke ta necesario pa cuminsa traha. □